



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Licentiæ contrahendi temporibus prohibitis Form. VIII.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

Licentiae contrahendi temporibus prohibitis.

FORMULA VIII.

SUMMARIUM.

1. Privata traductio Sponsae ad Domum Viri temporibus à jure prohibitis de licentia Ordinarii non est prohibita, neque interdicta, & reprobatur opinio Fagnani.

2. Sponsi ut ab actu conjugali abstineant

ditis temporibus est consilii non præcepti.

3. Episcopus ex urgente causa dispensat, ut temporibus ab Ecclesia prohibitis fiant nuptiae cum solemnitate.

4. Debet tamen in hoc esse rigidus.

5. Enumerantur causæ, ob quas Episcopus potest dispensare, ut Matrimonia contrahantur tempore ab Ecclesia prohibito, &c. n. 6.

7. Temporibus ab Ecclesia prohibitis sine licentia, & dispensatione Episcopi non possunt contrahiri licite Matrimonia, & refellitur Nicol.

TIbi N. Parocho Ecclesiae N. ut in Matrimonium per verba de praesenti in facie Ecclesiae, præmissis in tribus diebus festivis interpolatis Denunciacionibus (velunica) ac servata in reliquis forma præscripta à Sac. Concil. Trid. N. & N. nullo detecto ad contrahendum impedimento, absque tamen personarum comitiva, omissaque omnino benedictione nuptiali, nec non solemniter traductione Sponsæ, convivis, & aliis vanæ letitiae signis, conjungere possis, non obstante tempore currenti Adventus (sive Quadragesimæ) justis de causis facultatem concedimus, & dispensamus.

N. Episcopus N.

N. Cancellarius Episcopalis.

ADNOTATIONES.

1. **SOLEMNI TRADUCTIONE.** Privata traductio Sponsæ ad Domum Viri temporibus à jure prohibitis de licentia Ordinarii non est prohibita, neque interdicta: Quicquid enim in contrarium dicat Fagnan. (alioquin doctissimus) in cap. *Cappellanu*s n. 10. & 11. de *Feriis*, ejus opinio communiter jure novo Concilii rejicitur, ut videre est apud Ricc. *prax. For. Eccles.* par. 4. resol. 566. num. 2. Bonac. *de imped.* *Matrim.* q. 3. punct. 14. n. 4. Gavant. *Manual.* *Episcop.* *verb.* *matrim.* *celebratio* n. 14. Barb. *de offic.* & *Potestat.* *Episc.* *alleg.* 32. n. 194. & *supra Concil.* *de Reform.* *matrim.* cap. 10. num. 6. Sanchez *de matrim.* lib. 7. *disput.* 7. n. 12. Ponc. *codem tract.* lib. 6. cap. 8. num. 8. Biss. *Hierurg.* litt. T. num. 27. & alios quos contrà Fagnan. congerit Pignatell. *consult.* 47. *per tot.* tom. 6.

2. Et ratio conclusionis ea est, quia ut

Sponsi eo tempore ab actu conjugali abstineant jure novo Concilii (quicquid est dicendum inspecta censura antiquorum Canonum) non est præcepti, sed tantum consilii, ut præter mox allegatos, tenet novissime doctus modernus Zeger Bernard. Van Espen. *in tract. de jur. Eccles. univers.* par. 2. tit. 13. num. 16. tom. 1.

3. **CONVIVIIS.** An Episcopus possit dispensare, ut temporibus ab Ecclesia prohibitis fiant nuptiae cum solemnitate, & cum Sponsorum benedictione? affirmativam tenent Graff. *decis. aur. par. 1. lib. 2. cap. 85.* n. 29. Ponc. *de matrim.* loco suprà citato n. 11. Bis. *Hierurg.* par. 1. litt. B. num. 72. §. 1. quoties tamen concurrat urgens causa, quæ raro eveniet.

4. **JUSTIS DE CAUSIS.** Episcopus debet esse rigidus in dispensando, præsertim in illis Regionibus, ubi adest consuetudo Matrimonia non contrahendi: Quia cum ipse sit Sac. Canonum

num Magister, & Custos, c. Cum scimus 9. quæst. 3. idcirco à regulis eorumdem non debet præsumptione discedere, ut inquit Text. in cap. igitur 25. quæst. 2.

5. Causæ autem justæ, ob quas temporibus ab Ecclesia vetitis poterit concedere Matrimonia contrahi omissa benedictio, cædem sunt, quæ in remittendis denunciationibus concurrere debent, videlicet. Primo, quoties probabilitè inspicatur Matrimonia indebitè, ac malitiosè fore impedienda. Secundo, quando Magnates volunt contrahere. Tertio, quando Parentes, Tutores, vel Curatores viris indignis, & longè disparibus copulare virginis niterentur. Quartò, si Matrimonium esset contrahendum in articulo mortis cum Concubina ad legitimandam problem, vel ad securiorem infirmi transitum. Quintò, ubi contrahere volentes diu habiti fuissent pro Conjugibus, & ad evitandam erubescientiam, & infamiam cupiunt Matrimonio vero conjungi. Sextò, si Concubina, vel alia publica Meretrix esset ducenda in Uxorem, ut absque mora desistant à peccato, & ad evitandum periculum mutationis voluntatis. Septimò, ad evitanda scandalia ob alias factiones, & inimicitias, quæ propter Matrimonium sponeri speraretur. Octavò, quoties contrahere volentibus, ex dilatione aliquod notabile damnum, vel incommodum tam corporis, quam bonorum immineret.

6. His, inquam, & similibus casibus, quos sparsim apud Autores suprà allegatos reperies, & præsertim Corrad. prax. dispens. lib. 7. cap. 7. nu. 23. Pac. Jord. de Matrim. n. 51. justam habebit Ordinarius dispensandi causam in uno tantum, vel introque simul.

TIbi N. Parocho Ecclesiæ N. ut in Matrimonium per verba de presenti in facie Ecclesiæ, præmissis in tribus diebus festivis interpolatis denunciationibus, ac servata in reliquis forma prescripta à Sac. Concil. Trid. N. & N. *nullo alio detecto* ad contrahendum *impedimento*, quam tertio, & quarto consanguinitatis gradu, quo invicem sunt conjuncti, super quo dispensationem Apostolicam obtinuerunt, coniungere possis, licentiam, & facultatem concedimus. Quoniam verificatis coram Nobis expositis in dicta dispensatione, illam exequi volumus, & mandamus. Datum &c.

N. Episcopus N.

7. **FACULTATEM CONCEDIMUS.** Quamvis Nicol. lucubr. Civil. lib. 1. tit. 10. de nuptiis num. 72. nimis fidenter asserat, Matrimonium quolibet tempore contrahi, & consumari posse absque alia Superioris licentia, ex eo quia id concedatur, à Rituali Romano rubr. de Sacram. Matrim. eunique avium more, & cum laude sequatur Pignatell. dicta consult. 47. n. 17. circà fin. tom. 6. Nihilominus hæc Nicolii aboluta propositio debet intelligi quoad validitatem; non autem quod licetè quocumque tempore etiam ab Ecclesia interdicto contrahi possit Matrimonium sine licentia Episcopi, prout interpretando Text. in c. Cappellanus de Fe-riis, advertit Sayr. de Cenfur. lib. 5. cap. 7. num. 43. & 44. Bis. Hierurg. litt. V. n. 41. §. primo, & communiter docent suprà citati in §. Privata traductio, qui omnes exigunt Ordinarii licentiam ad hoc, ut Parochus, & contrahentes culpam, & pœnam arbitrariam evadant.

Licentie contrahendi inter dispensatos à Papa.

FORMULA IX.

SUMMARY.

- 1 *Unici Testis depositio non sufficit ad dirimentium contractum sed impedit Matrimonium contrahendum.*
- 2 *Non est sufficiens, neque ad impedendum non contractum, si Testis non sit integer, & patiatur exceptiones, & num. 3.*

N. Cancellarius Episcopalis.

A D-